



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25
tel. (032) 878-877
fax (032) 879-088
e-mail: polikzav@bih.net.ba
web : www.dzzavidovici.ba
Identifikacioni broj: 4218122690008
PDV broj: 218122690008

Žiro računi : ASA Banka d.d. Sarajevo : 134030000007482
Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-811/22

Datum:21.2.2022. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. i 89., a u vezi sa članom 72. stav 3. tačka c) Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14), na svojoj 23. sjednici održanoj dana 21.02.2022. godine, donosi

O D L U K U

o izboru najpovoljnijeg ponuđača za nabavku QR kodova za brze testove za korona virus

Član 1.

Okvirni sporazum za nabavku QR kodova za brze testove za korona virus uključujući i uslugu korištenja aplikacije za prenos podataka, kao i obezbjeđivanje aplikacije za prijenos podataka, adekvatan QR kod i tehničku podršku (U daljem tekstu: QR kodovi za brze testove za korona virus) za JU «Dom zdravlja» Zavidovići, dodjeljuje se ponuđaču EMEDIT D.O.O. SARAJEVO.

Član 2.

Ponuda ponuđača EMEDIT D.O.O. SARAJEVO, u provedenom konkurentskom zahtjevu za dostavu ponuda bila je prihvatljiva ponuda, imala je najnižu cijenu, te će se ovom ponuđaču ponuditi Okvirni sporazum za nabavku QR kodova za brze testove za korona virus za JU «Dom zdravlja» Zavidovići u ukupnom iznosu od **11.800,00 KM bez PDV-a**, što sa PDV-om iznosi 13.806,00 KM.

Član 3.

Ponuda ponuđača **CUSPIS D.O.O. BRČKO**, odbacuje se kao neprihvatljiva shodno 68. stav 4. alineja i), jer ista nije potpuna i ne ispunjava zahtjeve iz tenderske dokumentacije.

Član 4.

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

- a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Član 5.

Izabrani ponuđač **ne mora dostaviti original ili ovjerene fotokopije dokumentacije iz člana 4. ove odluke iz razloga jer je u ponudi dostavio ovjerene fotokopije sljedećih dokumenata:**

- a) Uvjerenje Općinskog suda u Sarajevu, broj: 65 0 Kr 0 21 17049 od 19.11.2021. godine da ponuđaču nije izrečena pravosnažna osuđujuća presuda za krivično djelo učešća u kriminalnoj organizaciji, korupciju prevaru ili pranje novca u smislu člana 45. stav 2. tačka a) Zakona o javnim nabavkama – ovjerena fotokopija od 24.01.2022. godine,
- b) Uvjerenje Suda Bosne i Hercegovine, broj: 03-8731/21 od 16.11.2021. godine, da pravnom licu nije izrečena pravosnažna osuđujuća presuda za krivična djela organizovanog kriminala, prevaru, korupciju i pranje novca u smislu člana 45. stav 2. tačka a) Zakona o javnim nabavkama – ovjerena fotokopija od 24.01.2022. godine,
- c) Uvjerenje Općinskog suda u Sarajevu, broj: 065-0-R-21-002452 od 19.11.2021. godine da ponuđač nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti člana 45. stav 2. tačka b) Zakona o javnim nabavkama – ovjerena fotokopija od 24.01.2022. godine,
- d) Uvjerenje Uprave za indirektno oporezivanje - Regionalni centar Sarajevo, broj: 02/6/II-16-11-20-10338/21 od 16.11.2021. godine, da ponuđač nema dospelih, a neizmirenih obaveza po osnovu indirektnih poreza – ovjerena fotokopija od 24.01.2022. godine,
- e) Uvjerenje Porezne uprave Federacije –Porezna ispostava Centar, broj: 13-9/2-12-5-3780/21 S.Dž. od 16.11.2021. godine da ponuđač nema duga po osnovu javnih prihoda, da nema duga po osnovu direktnih poreza, doprinosa za PIO/MIO, doprinosa za zdravstveno i osiguranje od nezaposlenosti) – ovjerena fotokopija od 24.01.2022. godine.

Dokumenti navedeni u stavu 1. ovog člana evidentirani su u Zapisniku o pregledu i ocjeni ponuda, broj:01-2.13-697/22 od 14.02.2022. godine, a u Tenderskoj dokumentaciji, broj: 01-2.12-278/22 od 21.1.2022. godine i br. 01-2.12-374/22 od 31.1.2022. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.3., propisano je da ponuđač može u ponudi dostaviti ovjerenu fotokopiju dokumentacije iz podtački 2.1. tenderske dokumentacije, te u slučaju da bude odabran kao najpovoljniji ponuđač ne mora ponovo dostavljati ovjerenu fotokopiju dokumentacije.

Član 6.

Ova odluka stupa na snagu danom donošenja.

Obrazloženje

Obavještenjem o nabavci, broj: **638-7-1-30-3-5/22**, koje je objavljeno na portalu javnih nabavki dana 21.01.2022. godine i broj: **638-7-1-30-8-13/22 (Ispravka obavještenja o nabavci)** koje je objavljeno na portalu javnih nabavki dana 31.01.2022. godine, pokrenut je konkurentski zahtjev za dostavu ponuda za nabavku QR kodova za brze testove za korona virus za JU «Dom zdravlja» Zavidovići u količini potrebnoj za 12 mjeseci.

Poziv za preuzimanje tenderske dokumentacije sa portala javnih nabavki, odmah po objavljivanju obavještenja o nabavci na portalu javnih nabavki, upućen je istovremeno trojici ponuđača i to: emedIT d.o.o. Sarajevo, MEDIT d.o.o. Sarajevo i ID-S CONSULTING d.o.o. Sarajevo.

Tendersku dokumentaciju za predmetnu nabavku sa portala javnih nabavki preuzelo je 9 ponuđača i to: EKAPIJA DOO, FCT D.O.O., BBS EUROPE, GRAFIČAR D.O.O. BIHAĆ, PRINT-GS DOO, EMIEDIT D.O.O., CUSPIS D.O.O., GENERAL CONSTRUCTIONS D.O.O. SARAJEVO i GENERAL IT AND SOFTWARE SOLUTIONS.

Ispravku tenderske dokumentacije za predmetnu nabavku sa portala javnih nabavki preuzelo je 6 ponuđača i to: GENERAL IT AND SOFTWARE SOLUTIONS, EKAPIJA DOO, EMEDIT D.O.O., BBS EUROPE, CUSPIS D.O.O. i ELTA 90 MB D.O.O.

Na adresu JU «Dom zdravlja» Zavidovići dostavljene su 2 ponude i to: EMEDIT D.O.O. SARAJEVO i CUSPIS D.O.O. BRČKO.

Komisija za javne nabavke (u daljem tekstu: Komisija) izvršila je otvaranje ponuda dana 09.02.2022. godine u Sali za sastanke u JU «Dom zdravlja» Zavidovići u 15,00 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da jedna ponuda odgovara uslovima iz tenderske dokumentacije, odnosno da je prihvatljiva ponuda, a da je jedna ponuda neprihvatljiva.

Neprihvatljivom je ocijenjena ponuda ponuđača CUSPIS D.O.O. BRČKO.

Tenderskom dokumentacijom u konkurentskom zahtjevu za dostavljanje ponuda za nabavku QR kodova za brze testove za korona virus, u tački 4. PRIPREMA PONUDA, podtačka 4.1., propisano je da ponuda, između ostalog mora sadržavati: “b) Obrazac za ponudu – Aneks 2; Prilog I;”.

Izmjenom tenderske dokumentacije, broj: 01-2.12-374/22 od 31.01.2022. godine, propisano je da se u tenderskoj dokumentaciji za nabavku QR kodova za brze testove za korona virus br. 2.12-278/22 od 21.01.2022. godine, dosadašnji prilog I -OBRAZAC ZA PONUDU - ANEKS 2, mijenja, te je propisan sadržaj novog OBRASCA ZA PONUDU - ANEKS 2 koji su ponuđači bili dužni popuniti i dostaviti u svojoj ponudi.

Važećim obrascem priloga I - OBRAZAC ZA PONUDU - ANEKS 2, propisanim Izmjenom tenderske dokumentacije, broj: 01-2.12-374/22 od 31.01.2022. godine, u dijelu koji se odnosi na izjave ponuđača, propisana je tačka 11. koja glasi:

„11. Ponuđač je saglasan da će se u ugovoru o nabavci koji će se zaključiti sa odabranim ponuđačem, ugovoriti odgovornost ponuđača za materijalne nedostatke predmeta nabavke u skladu sa odredbama Zakona o obligacionim odnosima, ukoliko se nakon isporuke utvrdi da ponudene robe (QR kodovi i aplikacija za prijenos podataka, koja će se koristiti uz QR kodove za brze testove za korona virus), koje nudi ponuđač ne odgovaraju zahtjevima ugovornog organa i da se isti ne mogu koristiti u svrhu digitalne potvrde za obavljeno testiranje brzim testom za korona virus, kao jedinstven kod vezan za svako pojedinačno testiranje u skladu sa uslovima iz tačke 1.1. tenderske dokumentacije”.

U ponudi ponuđača CUSPIS D.O.O. BRČKO, dostavljen je Obrazac za ponudu – aneks 2 sa popisom dostavljenih priloga (neadekvatan obrazac aneksa 2), koji sadrži samo 10 (deset) tačaka u dijelu koji se odnosi na izjave ponuđača, kako je to bilo propisano prvobitnom Tenderskom dokumentacijom, broj: 01-2.12-278/22 od 21.01.2022. godine, koja je važila prije Izmjene tenderske dokumentacije, broj: 01-2.12-374/22 od 31.01.2022. godine.

Uvidom u Izvještaj o preuzimanju tenderske dokumentacije od strane ponuđača od 09.02.2022. godine, utvrđeno je da je ponuđač CUSPIS D.O.O. BRČKO preuzeo Tendersku dokumentaciju i Ispravku tenderske dokumentacije. Međutim, uvidom u dostavljeni prilog Obrasca za ponudu – aneks 2, utvrđeno je da isti nije dostavljen u adekvatnoj formi, tj. da je dostavljen obrazac koji formom i sadržajem ne odgovara u cjelosti važećem obrascu, odnosno nedostaje tačka 11. u dijelu koji se odnosi na izjave ponuđača.

Imajući u vidu da je u Tenderskoj dokumentaciji, u tački 4. PRIPREMA PONUDA, podtačka 4.1., istaknuta napomena kojom se definisano da će ponuđači koji propuste dostaviti bilo koji dokument ili dokaz iz sadržaja ponude ili dostave neadekvatan dokument, biti eliminisani, odnosno njihova ponuda bit će odbačena kao neprihvatljiva, to je odlučeno da se dostavljena ponuda ponuđača CUSPIS D.O.O. BRČKO odbaci kao neprihvatljiva i da se ponuđač isključi iz daljeg postupka javne nabavke.

Obzirom na utvrđeno činjenično stanje, ocijenjeno je da ponuđač nije dostavio cjelovitu dokumentaciju traženu Tenderskom dokumentacijom, broj: 01-2.12-278/22 od 21.01.2022. godine i Izmjenom tenderske dokumentacije, broj: 01-2.12-374/22 od 31.01.2022. godine, što je osnov za isključenje istog iz daljnjeg učestvovanja u postupku javne nabavke i usljed čega je predmetna ponuda ocijenjena neprihvatljivom.

Članom 57. (Priprema ponude) stav 1. Zakona o javnim nabavkama (“Službeni glasnik BiH“, broj 39/14), propisano je:

„(1) U postupku javne nabavke kandidat/ponuđač pridržava se zahtjeva i uslova iz tenderske dokumentacije.“

Imajući u vidu sve navedeno, komisija je utvrdila da ponuđač CUSPIS D.O.O. BRČKO nije dostavio ponudu u skladu sa Tenderskom dokumentacijom i Izmjenom tenderske dokumentacije, te je ista neprihvatljiva, zbog čega je usljed utvrđenog činjeničnog stanja, ponuda ponuđača CUSPIS D.O.O. BRČKO odbačena shodno članu 68. stav 4. alineja i) Zakona o javnim nabavkama (“Službeni glasnik BiH“, broj 39/14), jer ponuda nije potpuna i ne ispunjava zahtjeve iz tenderske dokumentacije.

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku QR kodova za brze testove za korona virus za JU «Dom zdravlja» Zavidovići u količini potrebnoj za 12 mjeseci, utvrđeno je da je samo jedna ponuda prihvatljiva, usljed čega nije ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine), jer je u članu 3. istog Pravilnika propisano:

“U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.“

Kako se e-aukcija nije mogla zakazati ovaj ugovorni organ je postupio u skladu sa članom 3. Pravilnika o uslovima i načinu korištenja e-aukcije i mišljenjem Agencije za javne nabavke br. 04-02-2-1924-2/17 od 10.05.2017. godine.

U mišljenju Agencije za javne nabavke navedeno je da ukoliko smo u postupku javne nabavke zaprimili jednu prihvatljivu ponudu, a bili smo predvidjeli provođenje e-aukcije, koju nismo mogli zakazati, jer smo zaprimili samo jednu prihvatljivu ponudu, možemo nastaviti postupak nabavke i saglasno članu 69. stav (1) tačka a) Zakona, dodijeliti ugovor, te da informacije o predviđenoj e-aukciji i neodržavanju iste trebamo navesti u zapisniku o evaluaciji ponuda.

Kako ugovorni organ nije imao mogućnost da zakaže planiranu e-aukciju iz razloga što je primio samo jednu prihvatljivu ponudu, to je okončao ovaj postupak nabavke u skladu sa članom 69. Zakona o javnim nabavkama, odnosno dodjelom okvirnog sporazuma ponuđaču koji je dostavio prihvatljivu ponudu u skladu sa zahtjevima iz tenderske dokumentacije.

Cijeneći pravilnost provedenog konkurentskog zahtjeva za dostavu ponuda za nabavku QR kodova za brze testove za korona virus za JU «Dom zdravlja» Zavidovići u količini potrebnoj za 12 mjeseci, te datu preporuku od strane Komisije za javne nabavke, odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

DOSTAVLJENO:

1. EMEDIT D.O.O. SARAJEVO
2. CUSPIS D.O.O. BRČKO
3. a/a.

**PREDSJEDNIK
UPRAVNOG ODBORA:**
Mehić Elvir, dipl. pravnik